


神農本草經(二)
石藥爾雅





叢書集成

初編

主編者
王雲五

商務印書館發行



神農本草經

(二)

吳普等述
星孫衍 孫馮翼輯

神農本草經卷三

下經

下藥一百二十五種爲左使。主治病以應地。多毒。不可久服。欲除寒熱邪氣。破積聚。愈疾者。本下經。

石灰。白堊。附子。鳶尾。草蒿。蛇合。青葙子。茵芋。商陸。鬼臼。烏韭。

礬石。冬灰。烏頭。大黃。旋覆花。恆山。鹽菌。貫衆。羊蹄。羊桃。鹿藿。

鉛丹。青琅玕。右玉。天雄。亭歷。藜蘆。蜀漆。白及。蕪華。蔞薺。女青。蚤休。

粉錫。錫鏡鼻。右玉。半夏。桔梗。鉤吻。甘遂。大戟。牙子。狼毒。連翹。石長生。

戎鹽。大鹽。鹵鹽。虎掌。葇蕩子。射干。白斂。澤漆。羊躑躅。白頭翁。閭茹。陸英。

燕草

牛蒡

夏枯草

巴豆

蜀黍

阜莢

郁李仁

莽草

雷丸

石南

黃環

溲疏

欒華

蔓菁

八種

豚卵

麋脂

鱧鼠

蝦蟇

馬刀

蛇蛻

吳蚣

水蛭

班蝥

省璽

蜚蠊

螻蛄

鼠婦

熒火

衣魚

桃核仁

杏核仁

二品

腐婢

下品

苦瓠

水斬

彼子

種

序例白字

芫華

種右草舊四下品八種四十九

柳華

棟實

桐葉

梓白皮

鼠李

藥實根

六畜毛蹄甲

種右獸舊同下品四

邱蚓

蟪蛄

貝子

石蠶

馬陸

地膽

伏翼

種右蟲舊一十下品一十

佚文

附吳普本草

石灰、味辛溫。主疽瘍疥搔熱氣。惡創癩疾。死肌墮眉。殺痔蟲。去黑子息肉。一名惡疾。生山谷。

名醫曰。一名希疾。生中山。

按惡灰。疑當爲壘灰。希石。聲之緩急。

礬石。味辛大熱。主寒熱鼠瘻。蝕創死肌。風痺。腹中堅。一名青分石。一名立制石。一名固羊石。御覽引云。百獸。大觀本。除熱。殺百。

獸。大觀本。作黑字。出山谷。

吳普曰。白礬石。一名鼠鄉。神農岐伯辛有毒。桐君有毒。黃帝甘有毒。李氏云。或生魏興。或生少室。十二

月探。御覽引云。一名太白。一名澤乳。一名食鹽。又云。李氏大寒。主溫熱。

名醫曰。一名白礬石。一名太白石。一名澤乳。一名食鹽。生漢中及少室。采無時。

案說文云。礬。毒石也。出漢中西山。經云。皋塗之山。有白石焉。其名曰礬。可以毒鼠。范子計然云。礬石出

漢中。色白者善。淮南子地形訓云。白天九百歲生白礬。高誘云。白礬。礬石也。又說林訓云。人食礬石而

死。蠶食之而肥。高誘云。礬石。出陰山。一曰能殺鼠。案西山經云。毒鼠。卽治鼠瘻也。

鉛丹。味辛微寒。主土逆胃反。驚癩癩疾。除熱下氣。鍊化還成九光。久服通神明。御覽引作吐下。生平澤。

名醫曰。一名鉛華。生蜀郡。

案說文云鉛青金也陶宏景云卽今熬鉛所作黃丹也

粉錫味辛寒主伏尸毒螫殺三蟲一名解錫錫鏡鼻主女子血閉癥瘕伏腸絕孕生山谷舊作二種今并

名醫曰生桂陽

案說文云錫銀鉛之閒也

代赭味苦寒主鬼注賊風蠱毒殺精物惡鬼腹中毒邪氣女子赤沃漏下一名須丸生山谷

名醫曰一名血師生齊國赤紅青色如雞冠有澤染爪甲不渝者良采無時

案說文云赭赤土也北山經云少陽之山其中多美赭管子地數篇云山上有赭者其下有鐵范子計

然云石赭出齊郡赤色者善蜀赭出蜀郡據元和郡縣志云少陽山在交城縣其地近代也

戎鹽主明目目痛益氣堅肌骨去毒蠱大鹽令人吐御覽引云主腸胃結熱南鹽味苦寒主大熱消渴

狂煩除邪及下蠱毒柔肌膚御覽引云一名寒生池澤舊作三種今并

名醫曰戎鹽一名胡鹽生胡鹽山及西羌北地酒泉福祿城東南角北海青南海赤十月采大鹽生邯

鄆又河東鹵鹽生河東鹽池

案說文云鹽鹹也古者宿沙初作者煮海鹽鹵西方鹹地也從西省象鹽形安定有鹵縣東方謂之斥西

方謂之鹵鹽河東鹽池袤五十一里廣七里周百十六里北山經云景山南望鹽販之澤郭璞云卽解

縣鹽池也今在河東猗氏縣案在山西安邑運城

白堊、味苦溫。主女子寒熱癥瘕。目閉積聚。生山谷。

吳普曰。白堊一名白鱗。一切經音義

名醫曰。一名白善。生邯鄲。采無時。

案說文云。堊。白塗也。中山經云。蔥鬻之山。是多白堊。

冬灰。味辛微溫。主黑子。去脫息肉。疽蝕。疥搔。一名蔡灰。生川澤。

名醫曰。生方谷。

青琅玕。味辛平。主身痒。火創。癰傷。疥搔。死肌。一名石珠。生平澤。

名醫曰。一名青珠。生蜀郡。采無時。

案說文云。琅玕似珠者。古文作瑯。禹貢云。雍州貢瑯琳琅玕。鄭云。琅玕。珠也。

右玉石。下品九種。舊十二種。粉錫。錫鏡。鼻爲二。戎鹽。大鹽。鹵鹽。爲非。三考。當各爲一。

子。味辛溫。主風寒。欬逆。邪氣。溫中。金創。破癥。堅積聚。血瘕。寒溼。御覽作瘕。拘攣。郵痛。不能行步。御覽

爲耳藥之長。生山谷。

吳普曰。附子一名萇。神農辛。岐伯雷公甘有毒。李氏苦有毒。大溫。或生廣漢。八月采。皮黑肥白。御覽

名醫曰。生樅爲及廣漢東。月采爲附子。春采爲烏頭。御覽

案范子計然云。附子出蜀武都中。白色者善。

烏頭、味辛溫。主中風、惡風、洗洗、出汗、除寒溼痹、欬逆上氣、破積聚、寒熱。其汁煎之，名射罔，殺禽獸。一名奚毒。一名卽子。一名烏喙。生山谷。

吳普曰：烏頭一名葇，一名千狄，一名毒公，一名卑負。御覽作一名耿子。神農雷公桐君黃帝甘有毒。正月始生，葉厚莖方中空，葉四四相當，與蒿相似。

又云：烏喙，神農雷公桐君黃帝有毒。李氏小寒十月采，形如烏頭，有兩歧相合，如烏之喙，名曰烏喙也。所畏惡使，盡與烏頭同。一名則子，一名葇。神農岐伯有大毒。李氏大寒八月采，陰乾，是附子角之大者。

畏惡與附子同。御覽·大觀本節文

名醫曰：生朗陵，正月二月采，陰乾，長三寸已上爲天雄。

按說文云：則，烏喙也。爾雅云：葇，草。郭璞云：卽烏頭也。江東呼爲葇。范子計然云：烏頭出三輔中，白者善。國語云：驪姬置葇于肉。韋昭云：葇，烏頭也。淮南子主術訓云：莫凶于雞毒。高誘云：雞毒，烏頭也。按雞毒卽奚毒，卽子，卽蒟子，側子也。名醫別出側子條，非。

天雄，味辛溫，主大風、寒溼痹、瀝節痛、拘攣、緩急、破積聚、邪氣、金創、強筋骨、輕身健行。一名白幕。御覽引云：強志·令人武勇·力作不憊·大觀本·作黑字·生山谷

名醫曰：生少室，二月采根，陰乾。

案廣雅云：蕪，奚毒，附子也。一歲爲則子，二歲爲烏喙，三歲爲附子，四歲爲烏頭，五歲爲天雄。淮南子繆

稱訓云。天雄。烏喙。藥之凶毒也。良醫以活人。

半夏。味辛平。主傷寒。寒熱。心下堅。下氣。喉咽腫痛。頭眩。胸張。欬逆。腸鳴。止汗。一名地文。一名水玉。已上八

本黑生川谷。

吳普曰。半夏一名和姑。生微邱。或生野中。葉三三相偶。二月始生。白華。員上。御覽

名醫曰。一名示姑。生槐里。五月八月采根。暴乾。

案月令云。二月半夏生。范子計然云。半夏出三輔。色白者善。列仙傳云。赤松子服水玉以教神農。疑卽

半夏別名。

虎掌。味苦溫。主心痛。寒熱。結氣。積聚。伏梁。傷筋。痿。拘緩。利水道。生山谷。

吳普曰。虎掌。神農雷公苦無毒。岐伯桐君辛有毒。立秋九月采之。御覽引云。或生太山。或宛朮。

名醫曰。生漢中及宛句。二月八月采。陰乾。

案廣雅云。虎掌。瓜屬也。

鳶尾。味苦平。主蠱毒邪氣。鬼注。諸毒。破癥瘕積聚。去水。下三蟲。生山谷。

吳普曰。鳶尾。治蠱毒。御覽

名醫曰。一名烏園。生九疑山。五月采。

案廣雅云。鳶尾。烏蕙。射干也。疑當作鳶尾。烏園也。是二物。唐本注云。與射干全別。

大黃、味苦寒。主下瘀血，血閉，寒熱，破癥瘕積聚，留飲，宿食，蕩滌腸胃，推陳致新，通利水穀。御覽·此下調
中化食，安和五臟，生山谷。

吳普曰：大黃一名黃良，一名火參，一名膚如。神農雷公苦有毒，扁鵲苦無毒，李氏小寒，爲中將軍。或生蜀郡北部，或隴西。二月花生，生黃赤葉，四四相當，黃莖高三尺許，三月華黃，五月實黑，三月采根，根有黃汁，切陰乾。御覽

名醫曰：一名黃良，生河西及隴西，二月八月采根，火乾。

案廣雅云：黃良，大黃也。

亭歷舊作葶藶·御覽作亭歷·味辛寒，主癥瘕積聚，結氣，飲食寒熱，破堅，一名大室，一名大適，生平澤及田野。

名醫曰：一名下歷，一名葶藶，生葦城，立夏後采，實陰乾，得酒良。

案說文云：葶，亭歷也。廣雅云：狗薺，大室，亭藥也。爾雅云：葶，亭歷。郭璞云：實葉皆似芥。淮南子：繆稱訓云：亭歷愈張。西京雜記云：亭歷死於盛夏。

桔梗，味辛微溫，主胸脅痛如刀刺，腹滿，腸鳴，幽幽，驚恐悸氣。御覽引云·一名利如·大觀本·作黑字·生山谷

吳普曰：桔梗一名符扈，一名白藥，一名利如，一名梗草，一名盧如。神農醫和苦無毒，扁鵲黃帝鹹，岐伯

雷公甘無毒，李氏大寒，葉如薺，莖如筆管，紫赤，二月生。御覽

名醫曰：一名利如，一名房圖，一名白藥，一名梗草，一名薺，生蒿高及宛句，二八月采根，暴乾。

案說文云。桔。桔梗。藥名。廣雅云。犁如。桔梗也。戰國策云。今求柴胡。及之。罌黍。梁父之陰。則鄰車而載耳。桔梗于沮澤。則累世不得一焉。爾雅云。芑。葳芑。郭璞云。薺芑。據名醫云。是此別名。下又出薺芑條。非然。陶宏景亦別爲二矣。

芑。蕩子。味苦寒。主齒痛出蟲。因痺。拘急。使人健行。見鬼。多食令人狂走。久服輕身。走及奔馬。強志益力。通神。一名橫唐。生川谷。

名醫曰。一名行唐。生海濱。及雍州。五月采子。

案廣雅云。蕪萍。園蕪也。陶宏景云。今方家多作狼蕪。舊作荇。案說文無荇字。史記淳于意傳云。菑川。王美人懷子而不乳。飲以芑。藥一撮。本草圖經引作浪蕪。是。

草蒿。味苦寒。主疥搔。痂痒。惡創。殺蟲。留熱在骨節。開明目。一名青蒿。一名方潰。生川澤。

名醫曰。生華陰。

案說文云。蒿。葭也。葭。香蒿也。或作莖。爾雅云。蒿。葭。郭璞云。今人呼青蒿。香中炙啖者爲葭。史記司馬相如傳。菴藟。注漢書音義曰。菴藟。蒿也。陶宏景云。卽今青蒿。

旋復花。味鹹温。主結氣脅下滿。驚悸。除水。去五臧。開寒熱。補中下氣。一名金沸艸。一名盛榘。生川谷。

名醫曰。一名戴椹。生平澤。五月采花。日乾。二十日成。

案說文云。覆。盜庚也。爾雅云。覆。盜庚。郭璞云。旋復似菊。

藜蘆御覽作。味辛寒。主蠱毒。欬逆。洩利。腸澼。頭瘍。疥搔。惡創。殺諸蠱毒。去死肌。一名葱苒。生山谷。

吳普曰。藜蘆一名葱葵。一名豐蘆。一名蔥葵。御覽引云。一名山葱。一名公苒。一名山神農雷公辛有毒。御覽引云。黃岐伯

鹹有毒。李氏太寒。大毒。扁鵲苦有毒。大寒。葉根小相連。御覽引云。二月采根。

名醫曰。一名葱葵。一名山葱。生太山。三月采根。陰乾。

案廣雅云。藜蘆。葱苒也。范子計然云。藜蘆出河東。黃白者善。爾雅云。茗。山葱。疑非此。

鉤吻御覽作。味辛溫。主金創。乳癰。中惡風。欬逆。上氣。水腫。殺鬼。注。舊作狂。是。御覽蠱毒。一名野葛。生山谷。

吳普曰。秦鉤胸。一名毒根。一名野葛。神農辛。雷公有毒。殺人生南越山。或益州。葉如葛。赤莖。大如箭。方

根黃。或生會稽東冶。正月采。御覽

名醫曰。生傅高山。及會稽東野。

案廣雅云。葇。鉤吻也。淮南子說林訓云。蝮蛇螫人。傅以和莖則愈。高誘云。和莖。野葛。毒藥。博物志云。鉤

吻毒。桂心。葱葉。沸解之。陶宏景云。或云鉤吻是毛葇。沈括補筆談云。閩中人呼爲吻莽。亦謂之野葛。嶺

南人謂之胡蔓。俗謂之斷腸草。此草人聞至毒之物。不入藥用。恐本草所出別是一物。非此鉤吻也。

射干。味苦平。主欬逆。上氣。喉癰。咽痛。不得消息。散急氣。腹中邪逆。食飲大熱。一名烏扇。一名烏蒲。生川谷。

吳普曰。射干。一名黃遠也。御覽

名醫曰。一名烏嬰。一名烏吹。一名草薑。生南陽田野。三月三日采根。陰乾。

案廣雅云。鳶尾。烏蕤。射干也。荀子勸學篇云。西方有木焉。名曰射干。莖長四寸。范子計然云。射干根如

□□□安定。

蛇合原注云。含字。

味苦微寒。主驚癩寒熱邪氣。除熱。金創。疽痔。鼠瘻。惡創。頭瘍。一名蛇銜。生山谷。

名醫曰。生益州。八月采。陰乾。

按本草圖經云。或云是雀瓢。卽是羅摩之別名。據陸璣云。芄蘭一名羅摩。幽州謂之雀瓢。則卽爾雅

芄蘭也。唐本草別出羅摩條。非。又見女青。

恆山舊作常山。是。御覽味苦寒。主傷寒。寒熱。熱發。溫瘧。鬼毒。胸中痰結。吐逆。一名互草。生川谷。

吳普曰。恆山一名漆葉。神農岐伯苦。李氏大寒。桐君辛有毒。二月八月采。

名醫曰。生益州及漢中。八月采根。陰乾。

案後漢書華陀傳云。陀授以漆葉青黏散。漆葉屑一斗。青黏十四兩。以是爲率。言久服去三蟲。利五藏。

輕體。使人頭不白。

蜀漆味辛平。主瘡及欬逆。寒熱。腹中癥堅。痞結。積聚。邪氣。蠱毒。鬼注舊作症。御覽作蛙。生川谷。

吳普曰。蜀漆葉一名恆山。神農岐伯雷公辛有毒。黃帝辛。一經酸。如漆葉藍菁相似。五月采。御覽

名醫曰。生江陵山。及蜀漢中常山。苗也。五月采葉。陰乾。

案廣雅云。恆山蜀漆也。范子計然云。蜀漆出蜀郡。

甘遂味苦寒。主大腹疝瘕。腹滿。面目浮腫。留飲宿食。破癥堅積聚。利水穀道。一名主田。生川谷。

吳普曰。甘遂一名主田。一名曰澤。一名重澤。一名鬼醜。一名陵藁。一名甘藁。一名甘澤。神農桐君苦有毒。歧伯雷公有毒。須二月八月采。覽御

名醫曰。一名甘藁。一名陵藁。一名陵澤。一名重澤。生中山。二月采根陰乾。

案廣雅云。陵澤。甘遂也。范子計然云。甘遂出三輔。

白斂。味苦平。主癰腫疽創。散結氣。止痛除熱。目中赤。小兒驚癇。溫瘧。女子陰中腫痛。一名兔核。一名白草。生山谷。

名醫曰。一名白根。一名崑崙。生衡山。二月八月采根暴乾。

案說文云。蒼。白蒼也。或作藪。毛詩云。藪。蔓于野。陸璣疏云。藪似栝樓。葉盛而細。其子正黑。如燕奠。不可食也。幽人謂之烏服。其莖葉密。以哺牛。除熱。爾雅云。藪。菟藪。郭璞云。未詳。據玉篇云。藪。白藪也。經云。一名菟核。核與藪聲相近。卽此矣。

青箱子。味苦微寒。主邪氣。皮膚中熱。風搔。身痒。殺三蟲。子名草決明。療唇口青。一名草蒿。一名萋蒿。生平谷。

名醫曰。生道傍。三月三日采莖葉。陰乾。五月六日采子。

案魏略云。初平中有青牛先生。常服青箱子。箱當作箱字。

蕤菌、味鹹平。主心痛。溫中。去長患。白癩。螻蟲。蛇螫毒。癥瘕。諸蟲。一名蕤蘆。生池澤。

名醫曰。生東海及渤海。章武。八月采。陰乾。

案爾雅云。漚灌。茵芝。文選注。引作菌。聲類云。漚灌。茵芝也。疑卽此灌菌。或一名漚。一名芝。未敢定之。

白及。御覽作味苦平。主癰腫。惡創。敗疽。傷陰。死肌。胃中邪氣。賊風。鬼擊。癩緩。不收。一名甘根。一名連及草。

生川谷。

吳普曰。神農苦。黃帝辛。李氏大寒。雷公辛無毒。莖葉似生薑。藜蘆。十月華。直上。紫赤。根白連。二月八月

九月采。

名醫曰。生北山及宛旬。及越山。

案隋羊公服黃精法云。黃精一名白及。亦爲黃精別名。今名醫別出黃精條。

大戟。味苦寒。主蠱毒。十二水腫。滿急痛。積聚。中風。皮膚疼痛。吐逆。一名印鉅。案此無生川澤三字者。古或與澤漆爲一條。

名醫曰。生常山。十二月采根。陰乾。

案爾雅云。蕘。印鉅。郭璞云。今藥草大戟也。淮南子。繆稱訓云。大戟去水。

澤漆。味苦微寒。主皮膚熱。大腹水氣。四肢面目浮腫。丈夫陰氣不足。生川澤。

名醫曰。一名漆莖。大戟苗也。生太山。三月三日。七月七日。采莖葉。陰乾。

案廣雅云。漆莖。澤漆也。

茵芋。味苦溫。主五藏邪氣。心腹寒熱。羸瘦如瘡狀。發作有時。諸關節風溼痹痛。生川谷。

吳普曰。茵芋一名卑共。微溫有毒。狀如莽草。而細軟。御覽

名醫曰。一名莞草。一名卑共。生太山。三月三日采葉。陰乾。

貫衆。味苦微寒。主腹中邪熱氣。諸毒。殺三蟲。一名貫節。一名貫渠。一名百頭。御覽作一名虎卷。一名扁符。

生山谷。

吳普曰。貫衆一名貫來。一名貫中。一名渠母。一名貫鍾。一名伯片。一名藥藻。一名扁符。一名黃鐘。神農

岐伯苦有毒。桐君扁鵲苦。一經甘有毒。黃帝鹹酸。一經苦無毒。葉黃。兩兩相對。莖黑毛聚生。冬夏不老。

四月花。八月實。黑聚相連。卷旁行生。三月八月采根。五月采藥。御覽

名醫曰。一名伯萍。一名藥藻。此謂草鴟頭。生元山及宛句。少室山。二月八月采根。陰乾。

案說文云。葶草也。廣雅云。貫節。貫衆也。爾雅云。灤。貫衆。郭璞云。葉圓銳。莖毛黑布地。冬夏不死。一名貫

渠。又上云。扁符。止。郭璞云。未詳。據經云。一名篇符。卽此也。爾雅當云。篇符。止。灤。貫衆。

蕤花。味苦平寒。主傷寒溫瘧。下十二水。破積聚。大堅。癥瘕。蕩滌腸胃中留癖。飲食寒熱邪氣。利水道。生川

谷。

名醫曰。生成陽及河南中牟。六月采花。陰乾。

牙子。味苦寒。主邪氣熱氣。疥搔。惡瘍。創痔。去白蟲。一名狼牙。生川谷。

吳普曰。狼牙一名支蘭。一名狼齒。一名犬牙。一名抱子。神農黃帝苦有毒。桐君或鹹。岐伯雷公扁鵲苦無毒。生宛句。葉青。根黃赤。六月七月華。八月實黑。正月八月采根。覽御名醫曰。一名狼齒。一名狼子。一名犬牙。生淮南及宛句。八月采根暴乾。

案范子計然云。狼牙出三輔。色白者善。

羊躑躅。味辛溫。主賊風在皮膚中。淫淫痛。溫瘡。惡毒。諸癩。生川谷。

吳普曰。羊躑躅花。神農雷公辛有毒。生淮南。治賊風惡毒諸邪氣。覽御

名醫曰。一名玉支。生太行山及淮南山。三月采花陰乾。

案廣雅云。羊躑躅。英光也。古今注云。羊躑躅花。黃羊食之則死。羊見之則躑躅分散。故名羊躑躅。陶宏景云。花苗似鹿葱。

商陸。味辛平。主水腫。疔瘕。癰。除癰腫。殺鬼精物。一名易根。一名夜呼。生川谷。

名醫曰。如人形者有神。生成陽。

案說文。蔦草。枝枝相值。葉葉相當。廣雅云。常蔦。馬尾。商陸也。爾雅云。蓬蔦。馬尾。郭璞云。今關西亦呼爲蔦。江東爲當陸。周易夬云。蔦陸夬夬。鄭元云。蔦陸。商陸也。蓋蔦卽蔦俗字。商卽蔦假音。

羊蹄。味苦寒。主頭禿疥搔。除熱。女子陰蝕。御覽此四字作無字。一名東方宿。一名連蟲陸。一名鬼目。生川澤。

名醫曰。名蔦。生陳留。

案說文云。葷草也。讀若釐。釐草也。芫草也。廣雅云。葷羊蹄也。毛詩云。言采其蕞。箋云。蕞、牛糞也。陸德明云。本又作蓄。陸璣云。今人謂之羊蹄。陶宏景云。今人呼秃菜。卽是蓄音之譌。詩云。言采其蓄。案陸英疑卽此草之花。此草一名連蟲。陸又陸英卽蒴菹。一名葷也。亦苦寒。

寫蓄。味辛平。主漫淫。疥搔。疽痔。殺三蟲。御覽引云。一名篇。竹。大觀本無文。生山谷。

吳普曰。篇蓄一名蓄辯。一名篇蔓。御覽

名醫曰。生東萊。五月采。陰乾。

案說文云。篇。篇菀也。菀。篇菀也。薄水篇。菀。讀若督。爾雅云。竹篇。蓄。郭璞云。似小藜。赤莖節。好生道旁。可食。又殺蟲。毛詩云。綠竹猗猗。傳云。竹。篇竹也。韓詩薄云。蒞。篇菀也。石經同。

狼毒。味辛平。主欬逆上氣。破積聚。飲食寒熱。水氣惡創。鼠癩。疽蝕。鬼精。蠱毒。殺飛鳥走獸。一名續毒。生山谷。

名醫曰。生秦亭及奉高。二月八月采根。陰乾。

案廣雅云。狼毒也。疑上脫續毒二字。中山經云。大隗之山有草焉。其狀如蓍而毛。音華而白實。其名曰菘。服之不夭。可以爲腹病。

白頭翁。味苦溫。主溫瘧。狂易。寒熱。癥瘕積聚。瘦氣。逐血。止痛。療金瘡。一名野丈人。一名胡王使者。生山谷。吳普曰。白頭翁。一名野丈人。一名奈河草。神農扁鵲苦無毒。生嵩山川谷。破氣狂寒熱。止痛。御覽

名醫曰。一名奈河草。生高山及田野。四月采。

案陶宏景云。近根處有白茸。狀似人白頭。故以爲名。

鬼臼。味辛溫。主殺蠱毒。鬼注。精物。辟惡氣。不祥。逐邪。解百毒。一名爵犀。一名馬目毒公。一名九白。生山谷。

吳普曰。一名九白。一名天白。一名雀犀。一名馬目公。一名解毒。生九真山谷及宛句。二月八月采根。御覽

名醫曰。一名天白。一名解毒。生九真及宛句。二月八月采根。

羊桃。味苦寒。主燥熱。身暴赤。色風水積聚。惡瘍。除小兒熱。一名鬼桃。一名羊腸。生川谷。

名醫曰。一名菘楚。一名御弋。一名銚弋。生山林及田野。二月采。陰乾。

案說文云。菘。菘楚。銚弋。一名羊桃。廣雅云。鬼桃。銚弋。羊桃也。中山經云。豐山多羊桃。狀如桃而方。莖可

以爲皮張。爾雅云。長楚。姚弋。郭璞云。今羊桃也。或曰。鬼桃。葉似桃華。白子如小麥。亦似桃。毛詩云。隰有

菘楚。傳云。菘楚。銚弋也。陸璣云。今羊桃是也。葉長而狹。華紫赤色。其枝莖弱。過一尺。引蔓於草上。今人

以爲汲灌。重而善沒。不如楊柳也。近下根。刀切其皮。著熱灰中。脫之。可韜筆管。

女青。味辛平。主蠱毒。逐邪惡氣。殺鬼溫瘧。辟不祥。一名雀瓢。御覽作

吳普曰。女青。一名霍由祇。神農黃帝辛。御覽

名醫曰。蛇銜根也。生朱崖。八月采。陰乾。

案廣雅云。女青。烏葛也。爾雅云。蕞。芄蘭。郭璞云。蕞。芄蔓生。斷之。有白汁可啖。毛詩云。芄蘭之支。傳云。芄

蘭艸也。陸璣云。一名蘿摩。幽州人謂之雀瓢。別錄云。雀瓢白汁。注蟲蛇毒。卽女青苗汁也。唐本草別出。羅摩條非。

連翹。味苦平。主寒熱。鼠瘻。瘰癧。癰腫。惡創。癭瘤。結熱。蠱毒。一名異翹。一名蘭華。一名軹。一名三廉。生山谷。

名醫曰。一名折根。生太山。八月采。陰乾。

案爾雅云。連。異翹。郭璞云。一名連苕。又名連本草云。

蘭茹。御覽作蘭。味辛寒。主蝕惡肉。敗創。死肌。殺疥蟲。排膿惡血。除大風熱氣。善忘不樂。生川谷。

吳普曰。閩茹。一名離樓。一名屈居。神農辛。岐伯酸鹹有毒。李氏大寒。二月采。葉員黃。高四五尺。葉四四

相當。四月華黃。五月實黑。根黃有汁。亦同黃。三月五月采。根黑頭者良。御覽

名醫曰。一名屈据。一名離婁。生代郡。五月采。陰乾。

案廣雅云。屈居。蘆茹也。范子計然云。閩茹。出武都。黃色者善。

烏韭。味甘寒。主皮膚往來寒熱。利小腸。旁光氣。生山谷石上。

案廣雅云。昔邪。烏韭也。在屋曰昔邪。在牆曰垣衣。西山經云。草荔。狀如烏韭。唐本注云。卽石衣也。亦名

石苔。又名石髮。按廣雅又云。石髮。石衣也。未知是一否。

鹿藿。味苦平。主蠱毒。女子要腹痛。不樂。腸癰。瘰癧。御覽作。瘍氣。生山谷。

名醫曰。生汶山。

案說文云。鹿藿也。讀若剽。廣雅云。蕪。鹿藿也。爾雅云。商。鹿藿。其實菴。郭璞云。今鹿豆也。葉似大豆。根黃而香。蔓延生。

蚤休。味苦微寒。主驚癇。搖頭弄舌。熱氣在腹中。癩疾。癰創。陰蝕。下三蟲。去蛇毒。一名蚩休。生川谷。

名醫曰。生山陽及冤句。

案鄭樵云。蚤休曰螿休。曰重樓。金線曰重臺。曰草甘遂。今人謂之紫河車。服食家所用。而莖葉亦可愛。

多植庭院間。

石長生。味鹹微寒。主寒熱。惡創。火熱。辟鬼氣。不祥。御覽作辟惡氣。不詳。鬼毒。一名丹草。御覽引云。丹沙草。生山谷。

吳普曰。石長生。神農苦。雷公辛。一經甘。生成陽。御覽

名醫曰。生成陽。

陸英。味苦寒。主骨閒諸痺。四肢拘攣。疼酸。鄰寒痛。陰痿。短氣。不足。御覽生川谷。

名醫曰。生熊耳及冤句。立秋采。又曰蒟藿。味酸溫。有毒。一名御覽。今本誤一名芟。生田野。春夏采。葉。秋冬

采莖根。

案說文云。莖草也。讀若蓋。芟。莖草也。讀若急。蒟。蒟草也。廣雅云。緘盆。陸英。蒟也。爾雅云。芟。莖艸。唐本注

陸英云。此物蒟藿是也。後人不識。浪出蒟藿條。今注云。陸英。味苦寒無毒。蒟藿。味酸溫有毒。既此不同。

難謂一種。蓋其類爾。

蘆艸。味苦平。主久欬。上氣喘逆。久寒驚悸。痲疥。白禿。瘍氣。殺皮膚小蟲。生川谷。

吳普曰。王芻一名黃草。神農雷公口。生太山山谷。治身熱邪氣。小兒身熱氣。覽御

名醫曰。可以染黃。作金色。生青衣。九月十月采。

案說文云。蘆草也。葦。王芻也。爾雅云。葦。王芻。郭璞云。葦。葦也。今呼鴟腳莎。毛詩云。綠竹猗猗。傳云。葦。王

芻也。唐本注云。蘆草。俗名葦。葦草。爾雅所謂王芻。

牛扁。味苦微寒。主身皮創。熱氣。可作浴湯。殺牛蝨小蟲。又療牛病。生川谷。

名醫曰。生桂陽。

案陶宏景云。太常貯名扁特。或名扁毒。

夏枯草。味苦辛寒。熱癰癰。鼠瘻。頭創。破癥。散癭。結氣。腳腫。溼痹。輕身。一名夕句。一名乃東。生川谷。

名醫曰。一名燕面。生蜀郡。四月采。

芫華。味辛溫。主欬逆。上氣。喉鳴。喘咽腫。短氣。蠱毒。鬼瘡。疔癩。癰腫。殺蟲魚。一名去水。生川谷。葦在木

吳普曰。芫華一名去水。一名敗華。一名兒草根。一名黃大戟。神農黃帝有毒。扁鵲岐伯苦。李氏大寒。二

月生。葉青。加厚則黑。華有紫赤白者。三月實落。盡葉乃生。三月五月采。芫花根。一名赤芫根。神農雷

公苦有毒。生邯鄲。九月八月采。陰乾。久服令人洩。可用毒魚。御覽亦見圖

名醫曰。一名毒魚。一名杜芫。其根名蜀桑。可用毒魚。生淮源。三月三日采。花陰乾。

案說文云。芫魚毒也。爾雅云。杭魚毒。郭璞云。杭大木子似栗。生南方。皮厚。汁赤。中藏卵果。范子計然云。芫華出三輔。史記倉公傳。臨菑女子病螻瘕。飲以芫花一撮。出螻可數升。病已。顏師古注。急就篇云。郭景純說。誤耳。其生南方。用藏卵果。自別一杭木。乃左思所云。緜杭。樅樅者耳。非毒魚之杭。

右草。下品四十九種。舊四十八種。考木部。芫華宜入此。

巴豆。味辛溫。主傷寒溫瘧。寒熱破癥。殺結聚。堅積。留飲。淡癖。大腹水脹。蕩練五藏六府。開通閉塞。利水殺

道。去惡肉。除鬼毒。蠱注邪物。御覽作鬼毒邪注。殺蟲魚。一名巴叔。舊作叔。御覽作殺。生川谷。

吳普曰。巴豆一名巴菽。神農岐伯桐君辛有毒。黃帝甘有毒。李氏主溫熱寒。葉如大豆。八月采。御覽

名醫曰。生巴郡。八月采。陰乾。用之。去心皮。

案廣雅云。巴未。巴豆也。列仙傳云。元俗餌巴豆。淮南子說林訓云。魚食巴菽而死。人食之而肥。

蜀菜。味辛溫。主邪氣欬逆。溫中。逐骨節。皮膚死肌。寒溼。癢痛。下氣。久服之。頭不白。輕身。增年。生川谷。

名醫曰。一名巴椒。一名曆蕤。生武都及巴郡。八月采。實。陰乾。案范子計然云。蜀椒出武都。赤色者

善。陸璣云。蜀人作茶。又見秦椒。卽爾雅菜。陶宏景云。俗呼爲樛。

阜莢。味辛鹹溫。主風癰。死肌。邪氣。風頭。淚出。利九竅。殺精物。生川谷。

名醫曰。生雍州。及魯鄒縣。如豬牙者良。九月十月采。陰乾。

案說文云。莢草實。范子計然云。阜莢出三輔。上價一枚一錢。廣志曰。雞栖子。阜莢也。御覽阜卽草省文。

柳華、味苦寒。主風水黃疸、面熱黑。一名柳絮。葉主馬疥痂創。實主潰癰、逐膿血。子汁療渴。生川澤。
名醫曰：生琅邪。

案說文云：柳、小楊也。檉、河柳也。楊木也。爾雅：檉、河柳。郭璞云：今河旁赤莖小楊。又施澤柳。郭璞云：生澤中者。又楊蒲柳。郭璞云：可以爲箭。左傳所謂董澤之蒲。毛詩云：無折我樹杞。傳云：杞、木名也。陸璣云：杞、柳屬也。

棟實、味苦寒。主溫疾傷寒、大熱煩狂、殺三蟲疥瘍。利小便水道。生山谷。

名醫曰：生荆山。

案說文云：棟木也。中山經云：其實如棟。郭璞云：棟、木名。子如指頭，白而黏，可以浣衣也。淮南子：時則訓云：七月其樹棟。高誘云：棟實，鳳皇所食。今雒城旁有棟樹，實秋熟。

郁李仁、味酸平。主大腹水腫、面目四肢浮腫、利小便水道。根主齒斷腫、齲齒堅齒。一名爵李。生川谷。

吳普曰：郁李一名雀李。一名車下李。一名棣。御覽

名醫曰：一名車下李。一名棣。生高山及邱陵上。五月六月采根。

案說文云：棣、白棣也。廣雅云：山李，雀其敵也。爾雅云：常棣，棣。郭璞云：今關西有棣樹，子如櫻桃可食。毛詩云：六月食鬱。傳云：鬱，棣屬。劉楨毛詩義問云：其樹高五六尺，其實大如李。正赤，食之甜。又詩云：常棣之華。傳云：常棣，棣也。陸璣云：奧李，一名雀李。一曰車下李。所在山中皆有其花，或白或赤。六月中熟大。

子如李子可食。沈括補筆談云：晉宮閣銘曰：華林園中有車下李三百一十四株，莔李一株。莽草味辛溫，主風頭癰腫、乳癰、疔瘡、除結氣、疥搔。御覽有疽殺蟲魚，生山谷。

吳普曰：莽草一名春草，神農辛雷公桐君苦有毒，生上谷山谷中，或宛句。五月采，治風。御覽

名醫曰：一名莔，一名春草，生上谷及宛句。五月采，陰乾。

案中山經云：朝歌之山有草焉，名曰莽草，可以毒魚。又葦山有木焉，其狀如棠而赤，葉可以毒魚。爾雅云：莔，春草。郭璞云：一名芒草。本草云：周禮云：翦氏掌除蠹物，以莽草薰之。范子計然云：莽草出三輔者善。陶宏景云：字亦作莔。

雷丸。御覽作雷丸味苦寒，主殺三蟲，逐毒氣，胃中熱利，丈夫不利，女子作摩膏，除小兒百病。御覽引云：大觀

黑字·本字·作·生山谷

吳普曰：雷丸，神農苦，黃帝岐伯桐君甘有毒，扁鵲甘無毒。李氏大寒。御覽引云：一名雷實，或生漢中。八月采。

名醫曰：一名雷矢，一名雷實，生石城及漢中土中。八月采，根暴乾。

案范子計然云：雷矢出漢中，色白者善。

桐葉味苦寒，主惡蝕，創著陰皮，主五痔，殺三蟲，華主傳豬創，飼豬肥大三倍，生山谷。

名曰醫，生桐柏山。

案說文云：桐，榮也。梧，梧桐木，一名榎。爾雅云：榎，梧。郭璞云：今梧桐。又榮，桐木。郭璞云：卽梧桐。毛詩云：梧

桐生矣。傳云：梧桐柔木也。

梓白皮，味苦寒，主熱，去三蟲。葉擣，傅豬創，飼豬肥大三倍。生山谷。

名醫曰：生河內。

案說文云：梓，楸也。或作梓，椅梓也。楸梓也。爾雅云：槐小葉曰榎，郭璞云：槐當爲楸。楸細葉者爲榎，又大而散，楸郭璞云：老乃皮粗散者爲楸。又椅梓，郭璞云：卽楸。毛詩云：椅，桐梓漆。傳云：椅，梓屬。陸璣云：梓者，楸之疏理，白色而生子者曰梓。梓實，桐皮曰椅。

石南，味辛苦，主養腎氣，內傷陰衰，利筋骨，皮毛實，殺蠱毒，破積聚，逐風痹。一名鬼目。生山谷。

名醫曰：生華陰，二月四月采實，陰乾。

黃環，味苦平，主蠱毒，鬼注，鬼魅，邪氣，在臧中，除欬逆，寒熱。一名凌泉，一名大就。生山谷。

吳普曰：蜀黃環，一名生芻，一名根韭。神農黃帝岐伯桐君扁鵲辛一經，味苦有毒。二月生，初出正赤，高二尺，葉黃，員端，大莖，葉有汗，黃白。五月實，員。三月采根，根黃。從理如車輻，解治蠱毒。御覽

名醫曰：生蜀郡，三月采根，陰乾。

案蜀都賦有黃環，劉逵云：黃環，卽今朱藤也。天下皆有，葉如槐，其花穗紫，紫色如葛花，可作菜食，火不熟，亦有小毒。京師人家園圃中，作大架種之，謂之紫藤花者是也。淡疏，味辛寒，主身皮膚中熱，除邪氣，止遺溺，可作浴湯。生山谷及田野故邱虛地。

名醫曰一名巨骨生熊耳山四月采。

案李當之云。涉疏一名楊槐。一名牡荊。一名空疏。皮白中空。時時有節。子似枸杞。子冬日熟。色赤味甘苦。

鼠李主寒熱癩癧。生田野。

吳普曰鼠李一名牛李。御覽

名醫曰一名牛李一名鼠梓一名禪采無時。

案說文云。楸鼠梓木爾雅云楸鼠梓郭璞云楸屬也。今江東有虎梓毛詩云北山有楸傳云楸鼠梓。据名醫名鼠梓未知是此否。唐本注云一名趙李一名阜李一名烏槎。

藥實根味辛溫主邪氣諸癩疼酸續絕傷補骨髓一名連木生山谷。

名醫曰生蜀郡采無時。

案廣雅云貝父藥實也。

欒華味苦寒主目痛淚出傷背消目腫生川谷。

名醫曰生漢中五月采。

案說文云欒木似欄山海經云雲雨之山有木名欒黃木赤枝青葉羣帝焉取藥白虎通云諸侯墓樹柏大夫欒士槐沈括補筆談云欒有一種樹生其實可作數珠者謂之木欒即本草欒花是也。

蔓椒、味苦溫。主風寒溼痹、癱節疼、除四肢厥氣、鄰痛。一名家椒。生川谷及邱冢間。

名醫曰：一名豬椒，一名蕘椒，一名狗椒。生雲中，采莖根煮釀酒。

案陶宏景云：俗呼爲樛，以椒蕘小不香爾。一名稀椒，可以蒸病出汗也。

右木，下品一十七種，舊十八種，今移芫華入草。

豚卵、味苦溫。主驚癇癩疾、鬼注、蠱毒、除寒熱、賁豚、五癰、邪氣、攣縮。一名豚顛、懸蹄。主五痔、伏熱在腸、膠癰、內蝕。

案說文云：豨，小豕也。从豕省，象形。从又，持肉以給祭祀。篆文作豚，方言云：豬，其子或謂之豚，或謂之豨。

吳揚之間謂之豬子。

麋脂、味辛溫。主癰腫、惡創、死肌、寒風、溼痹、四肢拘緩不收、風頭、腫氣、通湊理。一名官脂。生山谷。

名醫曰：生南山及淮海邊，十月取。

案說文云：麋，鹿屬。冬至解其角。漢書云：劉向以爲麋之爲言迷也。蓋牝獸之淫者也。

騙鼠主墮胎，令人產易。生平谷。

名醫曰：生山都。

案說文云：鸞，鼠形，飛走且乳之鳥也。籀文作鷩。廣雅云：鷩，鷩也。陶宏景云：是鸞鼠，一名飛生。見爾

雅云：鸞鼠，夷由也。舊作鷩，非。

案范子計然云。馬刀出河東。藝文類聚引本經云。文蛤表有文。又曰馬刀。一曰名蛤。則豈古本與文蛤爲一邪。

蛇蛻。味鹹平。主小兒百二十種驚癇。瘈瘲。癩疾。寒熱。腸痔。蟲毒。蛇瘡。火熬之良。一名龍子衣。一名蛇符。一名龍子單衣。一名弓皮。生川谷及田野。

吳普曰。蛇蛻。一名龍子單衣。一名弓皮。一名地附。一名地筋。一名龍皮。一名龍單衣。御覽

名醫曰。一名龍子皮。生荊州。五月五日。十五日。取之良。

案說文云。它。蟲也。从虫而長。象冤曲。悉尾形。或作蛇蛻。蛇蟬所解皮也。廣雅云。蝮。蝮蛻也。中山經云。來山。多空。郭璞云。卽蛇皮脫也。

邱蚓。味鹹寒。主蛇瘡。去三蟲。伏尸。鬼注。蠱毒。殺長蟲。仍自化作水。生平土。

吳普曰。蚯蚓。一名白頸。螻蛄。一名附引。御覽

名醫曰。一名土龍。二月取。陰乾。

案說文云。螻蛄。側行者。或作蚓。螻蛄也。廣雅云。蚯蚓。蛻。引無也。爾雅云。螻蛄。螻蛄。郭璞云。卽蜃蛻也。江東呼寒蚓。舊作蚯。非。呂氏春秋。淮南子。邱蚓。出不从蟲。又說山訓云。螻蛄。無筋骨之強。高誘注。螻蛄。一名蜃。螻蛄也。舊又有白頸二字。據吳普古本。當無也。

螻蛄。味辛平。主久聾。欬逆。毒氣。出刺出汗。生川谷。

名醫曰。一名土蜂。生熊耳及詳柯。或人屋間。

案說文云。蠮螋。蒲盧。細要土蜂也。或作螺羸。螺羸也。廣雅云。土蜂。蠮螋也。爾雅土蜂。毛詩云。螟蛉有子。螺羸負之。傳云。螺羸。蒲盧也。禮記云。夫政也者。蒲盧也。鄭云。蒲盧。果羸。謂土蜂也。方言云。蠮其小者。謂之蠮螋。或謂之蚘蛻。說文無蠮字。或當爲醫。

吳蚣。味辛溫。主鬼注。蠱毒。噉諸蛇蟲魚毒。殺鬼物。老精。溫虐。去三蟲。御覽引云。一名至掌。大觀本在水蛭下。生川谷。

名醫曰。生大吳江南。赤頭足者良。

案廣雅云。螻蛆。吳公也。

水蛭。味鹹平。主逐惡血。瘀血。月閉。御覽作水閉。破血瘕積聚。無子。利水道。生池澤。

名醫曰。一名蚊。一名至掌。生雷澤。五月六月采。暴乾。

案說文云。蛭。蟻也。蛭。蛭。至掌也。爾雅云。蛭。蟻。郭璞云。今江東呼水中蛭蟲入人肉者爲蟻。又蛭。蟻。至掌。郭璞云。未詳。據名醫。卽蛭也。

班苗。味辛寒。主寒熱。鬼注。蠱毒。鼠瘻。惡創。疽蝕。死肌。破石癰。一名龍尾。生川谷。

吳普曰。斑貓。一名斑蛭。一名龍蛭。一名斑苗。一名勝髮。一名盤蚤。一名晏青。神農辛。岐伯鹹。桐君有毒。

扁鵲甘。有大毒。生河內川谷。或生水石。

名醫曰。生河東。八月取。陰乾。

案說文云。蟹。蟹螯。毒蟲也。廣雅云。蟹螯。晏青也。名醫別出芫青條。非芫。晏音相近也。舊作猫。俗字。据吳氏云。一名班苗。是也。

貝子。味鹹平。主目翳。鬼注。蟲毒。腹痛。下血。五癰。利水道。燒用之良。生池澤。

名醫曰。一名貝齒。生東海。

案說文云。貝。海介蟲也。居陸名彘。在水名蝸。象形。爾雅云。貝小者鱗。郭璞云。今細貝。亦有紫色。出日南。又蝸。小而橢。郭璞云。卽上小貝。

石蠶。味鹹寒。主五癰。破石淋。墮胎。內解結氣。利水道。除熱。一名沙蠶。生池澤。

吳普曰。石蠶亦名沙蠶。神農雷公酸無毒。生漢中。治五淋。破隨內結氣。利水道。除熱。御覽
名醫曰。生江漢。

案廣雅云。沙蠶。蠅蠅也。淮南萬畢術云。沙蠶。一名蓬活。一名地脾。御覽蟲豸部引李當之云。類蟲。形如老蠶。生附石。廣志云。皆蠶。蠶色赤。大過蟻。在水中。入人皮中。殺人。與李似不同。

雀甕。味甘平。主小兒驚癇。寒熱。結氣。蠱毒。鬼注。一名躁舍。

名醫曰。生漢中。采蒸之。生樹枝間。蛭。蛭房也。八月取。

案說文云。蛭。蛭斯黑也。爾雅云。蛭。蛭。郭璞云。載屬也。今青州人呼載爲蛭。按本經名爲雀甕者。甕與蛹音相近。以其如雀子。又如繭蟲之蛹。因呼之。

蜣螂、味鹹寒。主小兒驚癇、瘰癧、腹張、寒熱。大人癘疾狂易。一名蜣蜋。火熬之良。生池澤。

名醫曰：生長沙。五月五日取，蒸藏之。

案說文云：螂，渠螂。一曰天杜。廣雅云：天杜，蜣螂也。爾雅云：蜣蜋，蜣螂。郭璞云：黑甲蟲，噉糞土。玉篇：蜣螂

同。說文無蜣字。渠螂，卽蜣蜋。音之緩急。

蜣蜋、味鹹寒。主產難。出肉中刺。御覽作刺潰癰、腫下、哽噎。御覽作解毒、除惡創。一名螻蜋。御覽作一名天

螻。一名蝮。夜出者良。生平澤。

名醫曰：生東城。夏至取，暴乾。

案說文云：蠹，螻蜋也。螻，蜣蜋也。蜣，蜣蜋也。廣雅云：炙鼠、津姑、螻蜋、蠹蛤、蜣蜋也。夏小正云：三月穀

則鳴，穀，天螻也。爾雅云：穀，天螻。郭璞云：螻蜋也。淮南子時則訓云：孟夏之月，螻蚋鳴。高誘云：螻，螻蜋也。

方言云：蜣，謂之杜格。螻，謂之螻蜋。或謂之蠹蛤。南楚謂之杜狗。或謂之螻蜋。陸璣詩疏云：本草又

謂螻蜋爲石鼠。今無文。

馬陸、味辛溫。主腹中大堅癥、破積聚、息肉、惡創、白禿。一名百足。生川谷。

吳普曰：一名馬軸。御覽

名醫曰：一名馬軸。生元菟。

案說文云：蠲，馬蠲也。从虫，𠂔聲。𠂔，象形。明堂月令曰：腐草爲蠲。廣雅云：蛆，蠲。馬蠲，馬蚊也。又馬踐，蠲

蛆也。爾雅云：蝦，馬踐。郭璞云：馬蠲，勺。俗呼馬蠲。淮南子時則訓云：季夏之月，腐艸化爲蚘，高誘云：蚘，馬蠲也。幽冀謂之秦渠。又汜論訓云：蚘，足衆而走不若蛇。又兵略訓云：若蚘之足。高誘云：蚘，馬蠲也。方言云：馬蚘，北燕謂之蛆渠。其大者謂之馬蚘。博物志云：馬蚘，一名百足，中斷成兩段，各行而去。地膽，味辛寒，主鬼注、寒熱、鼠瘻、惡創、死肌、破癥瘕、墮胎。一名蚘青，生川谷。

吳普曰：地膽，一名元青，一名杜龍，一名青虹。

御覽

名醫曰：一名青註，生汶山，八月取。

案廣雅云：地膽，蚘，要，青蠶，青蠅也。陶宏景云：狀如大馬蟻，有翼，僞者卽班貓所化，狀如大豆。鼠婦，味酸溫，主氣癰，不得小便，婦人月閉，血癥，癩瘡，寒熱，利水道。一名負蟠，一名蚘威，生平谷。

名醫曰：一名蛄蟠，生魏郡及人家地上，五月五日取。

案說文云：蚘，蚘威，委黍，委黍，鼠婦也。蟠，鼠負也。爾雅云：蟠，鼠負。郭璞云：瓮器底蟲。又蚘威，委黍，郭璞云：舊說，鼠婦別名，毛詩云：伊威在室，傳云：伊威，委黍也。陸璣云：在壁根下，甕底中生，似白魚。

葵火，味辛微溫，主明目，小兒火創傷，熱氣，蠱毒，鬼注，通神。一名夜光。御覽引云：一名涸蠲，一名澤。生池。

吳普曰：葵火，一名夜照，一名熠燿，一名救火，一名景天，一名據火，一名挾火。藝文類聚名醫曰：一名放光，一名熠燿，一名卽炤，生階地，七月七日收，陰乾。

案說文云。燐。兵死及牛馬之血爲燐。鬼火也。从炎舛。爾雅云。熒火卽炤。郭璞云。夜飛。腹下有火。毛詩云。熠燿宵行。傳云。熠燿。燐也。燐。螢火也。月令云。季夏之月。腐草化爲螢。鄭元云。螢飛蟲。螢火也。据毛萇以螢爲燐。是也。說文無螢字。當以燐爲之。爾雅作熒。亦是。舊作螢。非。又按月令。腐草爲螢。當是蠲字假音。衣魚。味鹹温。無毒。主婦人疝瘕。小便不利。御覽作泄利。小兒中風。御覽作頭風。項強。御覽作強。背起摩之。一名白魚。生平澤。

吳普曰。衣中白魚。一名蟬。御覽

名醫曰。一名蟬。生成陽。

案說文云。蟬。白魚也。廣雅云。白魚。蛎魚也。爾雅云。蟬。白魚。郭璞云。衣書中蟲。一名蛎魚。右蟲。魚。下品。一十八種。舊同。

桃核仁。味苦平。主瘀血。血閉瘕邪。殺小蟲。桃花。殺注惡鬼。令人好顏色。桃梟。微温。主殺百鬼精物。初學記引云。梟。桃在樹不落。殺百鬼。桃毛。主下血。瘕寒熱。積寒無子。桃蠹。殺鬼邪惡不祥。生川谷。

名醫曰。桃核。七月采。取仁。陰乾。花。三月三日采。陰乾。桃梟。一名桃奴。一名梟景。是實著樹不落。實中者。正月采之。桃蠹。食桃樹蟲也。生太山。

案說文云。桃。果也。玉篇云。桃。毛果也。爾雅云。桃李醜核。郭璞云。子中有核仁。孫炎云。桃李之實。類皆有核。

杏核仁、味甘溫。主欬逆上氣。雷鳴喉痹下氣。產乳。金創。寒心。賁豚。生川谷。

名醫曰：生晉山。

案說文云：杏，果也。管子地員篇云：五沃之土，其木宜杏。高誘注淮南子云：杏有竅在中。

右果，下品二種，舊同。

腐婢，味辛平。主瘰癧寒熱邪氣。洩利。陰不起。病酒。頭痛。生漢中。

吳普曰：小豆花，一名腐婢。舊作付月誤。神農甘毒。七月采。陰乾。四十日。治頭痛止渴。覺

名醫曰：生漢中。即小豆花也。七月采。陰乾。

右米穀，下品一種，舊同。

苦瓠，味苦寒。主大水。面目四肢浮腫。下水。令人吐。生川澤。

名醫曰：生晉地。

案說文云：瓠，匏也。匏，瓠也。廣雅云：匏，瓠也。爾雅云：瓠，棲。毛詩云：瓠有苦葉。傳云：匏謂之瓠。又九月斷瓠。

傳云：壺，瓠也。古今注云：瓠，壺蘆也。壺蘆，瓠之無柄者。瓠有柄者。又云：瓢，瓠也。其摠曰匏。瓠則別名。

水蘄，味甘平。主女子赤沃。止血養精。保血脈。益氣。令人肥健。嗜食。一名水英。生池澤。

名醫曰：生南海。

案說文云：芹，楚葵也。近菜類也。周禮有苽菹。爾雅云：芹，楚葵。郭璞云：今水中芹菜。字林云：蔞艸生水。

根可緣器。又云蒔菜似蒜，生水中。

右菜，下品二種，舊同。

彼子味甘溫，主腹中邪氣，去三蟲，蛇螫，蠱毒，鬼注，伏尸，生山谷。舊在唐本

名醫曰：生永昌。

案陶宏景云：方家從來無用此者。古今諸醫及藥家子不復識。又一名熊子，不知其形何類也。掌禹錫云：樹似杉子如檳榔。本經蟲部云：彼子。蘇注云：彼字合從木。爾雅云：彼一名排。

三合合三百六十五種。法三百六十五度，一度應一日，以成一歲。倍其數，合七

掌禹錫曰：本草例，神農本經以朱書，名醫別錄以墨書。神農藥三百六十五種，今此言倍其數，合七百三十名，是併名醫別錄副品而言也。則此下節別錄之文也。當作墨書矣。蓋傳寫漫久，朱墨錯亂之所致耳。

案禹錫說是也，改爲細字。

藥有君臣佐使，以相宣攝合和，宜用一君二臣三佐五使，又可一君三臣九佐使也。

藥有陰陽配合，子母兄弟，根莖華實，草石骨肉，有單行者，有相須者，有相使者，有相畏者，有相惡者，有相反者，有相殺者。凡此七情合和時之當用，相須相使者良，勿用相惡相反者。若有毒宜制，可用相畏相殺者，不爾，勿合用也。

藥有酸鹹甘苦辛五味。又有寒熱溫涼四氣。及有毒無毒。陰乾暴乾。采造時月。生熟土地。所出真偽陳新。並各有法。

藥性有宜丸者。宜散者。宜水煮者。宜酒漬者。宜膏煎者。亦有一物兼宜者。亦有不可入湯酒者。並隨藥性。不得違越。

欲療病。先察其原。先候病機。五藏未虛。六府未竭。血脈未亂。精神未散。服藥必活。若病已成。可得半愈。病勢已過。命將難全。

若用毒藥療病。先起如黍粟。病去即止。不去。倍之。不去。十之。取去爲度。

療寒以熱藥。療熱以寒藥。飲食不消。以吐下藥。鬼注蠱毒。以毒藥。癰腫創瘡。以創藥。風溼。以風溼藥。各隨其所宜。

病在胸膈以上者。先食後服藥。病在心腹以下者。先服藥而後食。病在四肢血脈者。宜空腹而在旦。病在骨髓者。宜飽滿而在夜。

夫大病之主。有中風傷寒。寒熱溫瘧。中惡霍亂。大腹水腫。腸澼下利。大小便不通。賁衄。上氣。欬逆。嘔吐。黃疸。消渴。留飲。癰食。堅積。癥瘕。驚邪。癩癩。鬼注。喉痹。齒痛。耳聾。目盲。金創。踠折。癰腫。惡創。痔瘻。癰瘤。男子五勞七傷。虛乏羸瘦。女子帶下崩中。血閉陰蝕。蟲蛇蠱毒所傷。此大略宗兆。其閒變動枝葉。各宜依端緒以取之。

右序例白字。

本草經佚文。

上藥令人身安命延。昇天神仙。遨遊上下。役使萬靈。體生毛羽。行廚立至。抱朴子內篇。據太平御覽校。

中藥養性。下藥除病。能令毒蟲不加。猛獸不犯。惡氣不行。衆妖併辟。抱朴子內篇。引神農經。

太一子曰。凡藥上者養命。中者養性。下者養病。藝文類聚引。

太一子曰。凡藥上者養命。中藥養性。下藥養病。神農乃作赭鞭鉤鋤。尺制。從六陰陽。與太乙外字。五岳四

瀆。土地所生。草石骨肉心灰。皮毛羽萬千類。皆鞭問之。得其所能治主。當其五味。一日作百。舊誤。七十毒。

太平御覽引。

神農稽首再拜。問於太乙子曰。曾聞之時壽過百歲。而徂落之咎。獨何氣使然也。太乙子曰。天有九門。中

道最良。神農乃從其嘗藥。以拯救人命。太平御覽引。

按此諸條。與今本經卷上文略相似。諸書所引。較本經文多。又云。是太一子說。今無者。疑後節之。其云

赭鞭鉤鋤。當是養辨。候製之。假音鞭問之。卽辨問之。無怪說也。

藥物有大毒。不可入口。鼻耳目者。卽殺人。一曰鉤吻。虛氏曰。陰地黃精。不相。二曰鴟。狀如雌雞。三曰

陰命。赤色。生海中。著木。其。四曰內童。狀如鵝。亦。五曰鳩羽。如雀。墨。六曰螭螭。生海中。雄曰螭。雌曰螭。

藥種有五物。一曰狼毒。占斯解之。二曰巴頭。蒼汁解之。三曰黎盧湯解之。四曰天雄烏頭。大豆解之。五曰

斑茅。戎鹽解之。毒菜害小兒。乳汁解。先食飲二升。博物志引

五芝。及餌丹砂。玉札。曾青。雄黃。雌黃。雲母。太乙。禹餘糧。各可單服之。皆令人飛行長生。抱樸子內篇引神農四經

春夏爲陽。秋冬爲陰。文選注引神農本草

春爲陽。陽溫生萬物。同上

黃精與朮。餌之却粒。或遇凶年可以絕粒。謂之米脯。太平御覽引抱樸子神農經

五味。養精神。強魂魄。五石。養髓。肌肉肥澤。諸藥。其味酸者。補肝養心。除腎病。其味苦者。補心養脾。除肝病。

其味甘者。補肺養脾。除心病。其味辛者。補肺養腎。除脾病。其味鹹者。補肺除肝病。故五味應五行。四體應

四時。夫人性生于四時。然后命于五行。以一補身。不死命神。以母養子。長生延年。以子守母。除病究年。太平御覽引養生要

略。神農經。

案此諸條。當是玉石草木三品前總論。而後人節去。

附吳氏本草十二條。

龍眼。一名益智。一名比目。齊民要術

鼠尾。一名藟。一名山陵翹。治痢也。太平御覽

滿陰實。生平谷。或圃中。延蔓如瓜。葉實如桃。七月采。止渴延年。太平御覽

千歲垣中膚皮。得薑。赤石脂。治。太平御覽

小華一名結草。太平御覽

木瓜生夷陵。太平御覽

穀樹皮治喉閉一名楮。太平御覽

櫻桃味甘主調中益氣令人好顏色美志氣一名朱桃一名麥英也。藝文類聚

李核治仆僵花令人好顏色。太平御覽

大麥一名穉麥五穀之盛無毒治消渴除熱益氣食密爲使麥種一名小麥無毒治利而不中口。太平御覽

鼓益人氣。太平御覽

暉日一名鳩羽。太平御覽

附諸藥制使

唐慎微曰神農本草經相使正各一種冀以藥對參之乃有兩三

玉石上部

玉泉畏款冬花

玉屑惡鹿角

丹砂惡磁石畏鹹水

曾青畏菟絲子

石膽水英爲使。畏牡桂、茵桂、芫花、辛夷、白。
鍾乳、蛇牀子爲使。惡牡丹、牡蒙、元石、牡蒙。畏紫石英、藟草。
雲母澤瀉爲使。畏蛇甲及流水。
消石口爲使。惡苦參、苦菜。畏女苑。
朴消。畏麥句薑。
芒消。石葦爲使。惡麥句薑。
礬石甘草爲使。畏母蠣。
滑石石葦爲使。惡曾青。
紫石英。長石爲使。畏扁青、附子。不欲蛇甲、黃連、麥句薑。
白石英。惡馬目毒公。
赤石脂。惡大黃。畏芫花。
黃石脂。曾青爲使。惡細辛。畏蜚蠊。
太一餘糧。杜仲爲使。畏鐵落、昌蒲、貝母。
玉、石、中部。
水銀。畏磁石。

殷孽。惡防已。畏木。

孔公孽。木蘭爲使。惡細辛。

湯起石。桑螵蛸爲使。惡澤瀉。菌桂。雷丸。蛇脫皮。畏菟絲子。

石膏。雞子爲使。惡莽草。毒公。

凝水石。畏地榆。解巴豆毒。

磁石。紫胡爲使。畏黃石脂。惡牡丹莽草。

元石。惡松脂。柏子仁。菌桂。

理石。滑石爲使。惡麻黃。

玉石。下部。

礬石。得火良。棘鍼爲使。惡虎掌。毒公。鴛屎。細辛水。

青琅玕。得水銀良。畏雞骨。殺錫毒。

特生礬石。得火良。畏水。

代赭。畏天雄。

方解石。惡巴豆。

大鹽。漏蘆爲使。

草、藥、上部。

六芝薯蕷爲使、得髮良。惡常山。畏扁青茵陳。

朮防風地榆爲使。

天門冬、垣衣、地黃爲使。畏曾青。

麥門冬、地黃、車前爲使。惡款冬、苦瓠。畏苦參、青囊。

女萎、蕤主、畏鹵、蒙、鹹。

乾地黃、得麥門冬、清酒良。惡貝母。畏無夷。

昌蒲、秦花、秦皮爲使。惡地膽、麻黃。

澤瀉、畏海蛤、文蛤。

遠志、得茯苓、冬葵子、龍骨良。殺天雄、附子、毒。畏真珠、蜚廉、藜蘆。

齊蛤、薯蕷、紫芝爲使。惡甘遂。

石斛、陸英爲使。惡凝水石、巴豆。畏白殭蠶、雷丸。

菊花、朮、枸杞根、桑根、白皮爲使。

甘草、朮、乾漆、苦參爲使。惡遠志。反甘遂、大戟、芫花、海藻。

人參、茯苓爲使。惡溲疏。反藜蘆。

牛膝。惡熒火。龜。陸英。畏白。

細辛。曾青。東根爲使。惡狼毒。山茱萸。黃耆。畏滑石。消石。反藜蘆。
獨活。蠶石爲使。

柴胡。半夏爲使。惡阜莢。畏女苑。藜蘆。

菴闔子。荆子。薏苡仁爲使。

芥子。得荆子。細辛。良。惡乾薑。苦參。

龍膽。貫衆爲使。惡防葵。地黃。

菟絲子。得酒。良。薯預。松脂爲使。惡藜蘆。

巴戟。天覆盆子爲使。惡朝生。雷丸。丹參。

蒺藜子。烏頭爲使。

沙參。惡防已。反藜蘆。

防風。惡乾薑。藜蘆。白斂。芫花。殺附子毒。

絡石。杜仲。牡丹爲使。惡鐵落。畏菖蒲。貝母。

黃連。黃芩。龍骨。理石爲使。惡菊花。芫花。元參。白解皮。畏款冬。勝烏頭。解巴豆毒。

丹參。味鹹。水。反藜蘆。

天名精垣衣爲使。

決明子。蒼實爲使。惡大麻子。

續斷。地黃爲使。惡雷丸。

芎藭。白芷爲使。

黃耆。惡龜甲。

杜若。得辛夷。細辛。良。惡柴胡。前胡。

蛇牀子。惡牡丹。巴豆。貝母。

茜根。畏鼠姑。

飛廉。得烏頭。良。惡麻黃。

薇銜。得秦皮。良。

五味子。菴蓉爲使。惡委蕤。勝烏頭。

草藥中部。

當歸。惡闔茹。畏昌蒲。海藻。牡蒙。

秦艽。昌蒲爲使。

黃芩。山茱萸。龍骨爲使。惡蔥實。畏丹砂。牡丹。藜蘆。

芍藥。須丸爲使。惡石斛。芒消。畏石髓。甲。小薊。反藜蘆。
乾薑。秦椒爲使。惡黃連。黃芩。天鼠屎。殺半夏。葇荑毒。
蘘本。畏闔茹。
麻黃。厚朴爲使。惡辛夷。石韋。
葛根。殺野葛。巴豆。百藥毒。
前胡。半夏爲使。惡阜莢。畏藜蘆。
貝母。厚朴。白薇爲使。惡桃花。畏秦朮。礬石。莽草。反烏頭。
括樓。枸杞爲使。惡乾薑。畏牛膝。乾漆。反烏頭。
元參。惡黃耆。乾薑。大棗。山茱萸。反藜蘆。
苦參。元參爲使。惡貝母。漏蘆。菟絲子。反藜蘆。
石龍芮。大戟爲使。畏蛇蛻。吳茱萸。
葶藶。薤苳爲使。畏葵根。大黃。柴胡。牡蠣。前胡。
石韋。滑石。杏仁爲使。得菖蒲良。
狗脊。葶藶爲使。惡敗醬。
瞿麥。葶藶。牡丹爲使。惡螻蛄。

白芷當歸爲使。惡旋復花。

紫苑款冬爲使。惡天雄。瞿麥。雷丸。遠志。畏茵陳。

白鮮皮。惡螻蛄。桔梗。茯苓。葶藶。

白薇。惡黃耆。大黃。大戟。乾薑。乾漆。大棗。山茱萸。

紫參。畏辛夷。

淫羊藿。薯蕷爲使。

款冬花。杏仁爲使。得紫苑。良。惡阜莢。消石。元參。畏貝母。辛夷。麻黃。黃芩。黃連。黃耆。青柏。

牡丹。畏菟絲子。

防己。般孽爲使。惡細辛。畏葶藶。殺雄黃毒。

女苑。畏鹵鹹。

澤蘭。防己爲使。

地榆。得髮良。惡麥門冬。

海藻。反甘草。

草藥下部。

大黃。黃芩爲使。

桔梗節皮爲使畏白及反龍膽龍眼

甘遂瓜蒂爲使惡遠志反甘草

葶藶榆皮爲使得酒良惡殭蠶石龍芮

芫花決明爲使反甘草

澤漆小豆爲使惡薯蕷

大戟反甘草

鉤吻半夏爲使惡黃芩

藜蘆黃連爲使反細辛芍藥五參惡大黃

烏頭烏喙莽草爲使反半夏括樓貝母白斂白及惡藜蘆

天雄遠志爲使惡腐婢

附子地膽爲使惡蜈蚣畏防風甘草黃耆人參烏韭大豆

貫衆蕪菌爲使

半夏射干爲使惡阜莢畏雄黃生薑乾薑秦皮龜甲反烏頭

蜀漆括樓爲使惡貫衆

虎掌蜀漆爲使畏莽草

狼牙、蕪荑爲使、惡棗肌、地榆、

常山、畏玉札、

白及、紫石英爲使、惡理石、李核仁、杏仁、

白斂、代赭爲使、反烏頭、

藜蘆得酒、良、畏雞子、

蘭茹、甘草爲使、惡麥門冬、

蘆草、畏鼠婦、

夏枯草、土瓜爲使、

狼毒、大豆爲使、惡麥句薑、

鬼臼、畏衣、

木、藥、上部、

茯苓、茯神、馬閒爲使、惡白斂、畏牡蒙、地榆、雄黃、秦芫、龜甲、

杜仲、惡蛇蛻、元參、

柏實、牡蠣、桂心、瓜子爲使、畏菊花、羊蹄、諸石、麩麩、

乾漆、半夏爲使、畏雞子、

蔓荆子。惡烏頭。石膏。

五加皮。遠志爲使。畏蛇皮。元參。

槲木。惡乾漆。

辛夷。芎藭爲使。惡五石脂。畏昌蒲。蒲黃。黃連。石膏。黃環。

酸棗仁。惡防己。

槐子。景天爲使。

牡荊實。防己爲使。惡石膏。

木藥中部。

厚朴。乾薑爲使。惡澤瀉。寒水石。消石。

山茱萸。蓼實爲使。惡桔梗。防風。防己。

吳茱萸。蓼實爲使。惡丹參。消石。白堊。畏紫石英。

秦皮。大戟爲使。惡茱萸。

占斯。解狼毒毒。

梔子。解躑躅毒。

秦椒。惡括樓。防葵。畏雌黃。

桑根、白皮、續斷、桂心、麻子爲使。

木、藥、下部。

黃環、鳶尾爲使、惡茯苓、防已。

石南、五加皮爲使。

巴豆、芫花爲使、惡藜蘆、殺斑貓毒。

欒華、決明爲使。

蜀椒、杏仁爲使、畏款冬。

溲疏、漏蘆爲使。

阜莢、柏實爲使、惡麥門冬、畏空青、人參、苦參。

雷丸、荔實、厚朴爲使、惡葛根。

獸、上部。

龍骨、得人參、牛黃、良、畏石膏。

龍角、畏乾漆、蜀椒、理石。

牛黃、人參爲使、惡龍骨、地黃、龍膽、蜚蠊、畏牛膝。

白膠、得火、良、畏大黃。

阿膠得火良。畏大黃。

獸中部。

犀角。松脂爲使。惡葶藶。雷丸。

殺羊角。菟絲子爲使。

鹿茸。麻勃爲使。

鹿角。杜仲爲使。

獸下部。

麋脂。畏大黃。

伏翼。萹實。雲實爲使。

天鼠屎。惡白斂。白微。

蟲。魚上部。

蜜蠟。惡芫花。齊蛤。

蜂子。畏黃芩。芍藥。牡蠣。

牡蠣。貝母爲使。得甘草。牛膝。遠志。蛇牀。良。惡麻黃。吳茱萸。辛夷。

桑螵蛸。畏旋復花。

海蛤。蜀漆爲使。畏狗膽。甘遂。芫花。

龜甲。惡沙參。蜚蠊。

蟲、魚中部。

蝟皮。得酒良。畏桔梗。麥門冬。

蜥蜴。惡硫黃。斑貓。蕪荑。

露蜂房。惡乾薑。丹參。黃芩。芍藥。牡蠣。

蠶蟲。畏阜莢。昌蒲。

蟻螬。蜚蠊爲使。惡附子。

鼈甲。惡礬石。

蟹。殺葇荂毒。漆毒。

蛇魚甲。蜀漆爲使。畏狗膽。甘遂。芫花。

烏賊魚骨。惡白斂。白及。

蟲、魚下部。

蜚蠊。畏羊角。石膏。

蛇蛻。畏磁石。及酒。

班貓、馬刀爲使。畏巴豆、丹參、空青、惡膚青。

地膽、惡甘草。

馬刀、得水良。

果、上部。

大棗、殺烏頭毒。

果、下部。

杏仁、得火良。惡黃耆、黃芩、葛根。解錫胡粉毒。畏萹草。

菜、上部。

冬葵子、黃芩爲使。

蔥實、解藜蘆毒。

米、上部。

麻、蕒麻子、畏牡蠣、白微、惡茯苓。

米、中部。

大豆、及黃卷、惡五參、龍膽、得前胡、烏喙、杏仁、牡蠣、良、殺烏頭毒。

大麥、蜜爲使。

右二百三十一種。有相制使。其餘皆無。三十四種續添。當云三十五種。案

立冬之日。菊。卷柏。先生。時爲陽起石。桑。螵蛸。凡十物使。主二百草爲之長。

立春之日。木蘭。射干。先生。爲柴胡。半夏使。主頭痛。四十五節。

立夏之日。蜚蠊。先生。爲人參。茯苓使。主腹中七節。保神守中。

夏至之日。豕首。茱萸。先生。爲牡蠣。烏啄使。主四肢三十二節。

立秋之日。白芷。防風。先生。爲細辛。蜀漆使。主胸背二十四節。原注右此五條。可遵用。而是主統之深本。

戰之故亦



石藥爾雅

梅彪集

本館據別下齋叢
書本排印初編各
叢書僅有此本

石藥爾雅序

夫爾雅者。古人以訓釋難尋之所作也。每想此機捷妙無以加。故朝廷用之。兼經多歷年代。余西蜀江源人也。少好道藝。性攻丹術。自弱至于知命。窮究經方。曾覽數百家論功者。如同指掌。用藥皆是隱名。就於隱名之中。又有多本。若不備見。猶畫餅夢桃。遇其經方。與不遇無別。每噫嗟此事。悵悵無師。由何意也。因見參同契云。未能悉究。當施直義。其理盡矣。經曰。吾欲結舌不言。恐畏獲罪。誅寫情於竹帛。恐泄天之符。故知聖賢至道元妙之法。不欲流俗偶然之所聞解也。故委曲其事。令上士勤而習之。使下士棄而笑之。理昭然也。但恐後學同余苦心。今附六家之口訣。衆石之異名。象爾雅詞句。凡六篇。勒爲一卷。令疑迷者尋之稍易。習業者誦之不難。兼諸丹所有別名奇方異術之號。有法可營造者。條列於前。無法難作之流。具名於後。時唐元和丙戌梅彪序。

石藥爾雅卷上

飛鍊要訣

釋諸藥隱名

元黃花一名輕飛丹一名良飛飛一名紫粉一名飛精一名黃龍一名公華龍一名黃牙池一名伏河車一名制太陰一名黃精一名黃精一名黃精一名元黃一名紫粉一名飛精一名黃龍一名公華龍一名黃牙池一名伏河車一名制太陰一名黃素丹白蒙一名金公假公車一名黃鉛精一名天元飛雄一名河幾黃公一名水錫立制太陰一名虎素金一名黑虎一名元武金一名黃男金一名水銀一名子明一名鉛精珠一名神膠珠一名姓女太陰流珠一名元水一名白虎一名元黑金一名青金一名神水一名太陽明子一名赤承一名天水銀霜一名金液生虎腦一名元女長生子青龍一名元明神水一名太陽明子一名赤承一名天沙汞一名赤帝體雪越楚名水雲銀虎丹砂一名真珠一名仙砂一名朱鳥一名承沙降陵一名兒赤女迴一名帝血黃一期一名朱雀帝精雄黃一名朱雀筋首中石自陵一名天石赤鍊者柔雌一名帝女上署生迄利迴男精雌黃一名龍血生英靈黃童頰一硫一名黃砂一名山不住脂砂月一名赤帝深黃一期一名朱雀帝精雄黃一名龍血生英靈黃童頰一硫一名黃砂一名山不住脂砂

石藥爾雅 卷上

唐梅彪集

一

青蚨生嶺南形如蟬也。更有子東灰紫亭脂此是大丹之事。

至藥元君不許妄傳爲盟誓重此不敢載矣

石藥爾雅卷下

載諸有法可營造丹名

太一金丹。太一玉粉丹。太一金膏丹。太一小還丹。還魂駐魄丹。召魂丹。太一玉液丹。華陽玉漿丹。華漿太
一龍胎丹。太一三使丹。光明麗日丹。熱紫粉丹。黃丹。小神丹。安期先生丹。太一足火丹。真人蒸成丹。硫黃
液丹。裴君辟祭丹。無忌丹。王君雞子丹。東方朔銀丹。石湯赤烏丹。冷紫粉丹。太一小玉粉丹。太一小金英
丹。韓衆漆丹。雄黃紫油丹。劉君鳳駐年丹。五嶽真人小還丹。紫遊丹。太一赤車使者八神精起死人仙丹。
太一味。硃砂丹。太一八景四藥紫漿五珠絳生丹。四神丹。良雪丹。八石丹。八神丹。流黃丹。龍珠丹。龍虎
丹。龍雀丹。五靈丹。紫蓋丹。三奇丹。朝霞丹。肘後丹。凌霄丹。羨門丹。日成丹。穀汁丹。七變丹。太黃丹。蒸血丹。
日丹。酒丹。棗丹。蜜丹。乳丹。椒丹。太一琅玕丹。杏金丹。紫金小還丹。石腦丹。赤石脂丹。紅樞丹。紫霞丹。石膽
丹。紫蓋丹。

釋諸丹中有別名異號

召魂丹一名返魂丹。一名真生丹。無忌丹一名豎骨丹。一名凝神丹。紫遊丹一名步虛丹。一名舉經丹。
一名命丹。一名金生丹。長丹。一名神丹。良雪丹一名流水銀霜丹。一名流珠素霜丹。一名流珠白雪丹。一名飛仙英丹。
虛丹。四神丹一名太一神丹。一名神液丹。一名神良雪丹一名流珠素霜丹。一名流珠白雪丹。一名飛仙英丹。
一名太一神丹。一名神液丹。一名神良雪丹。一名流珠素霜丹。一名流珠白雪丹。一名飛仙英丹。一名太一神丹。

傾記。流金火鈴記。落羽建青記。陰長生守爐記。迴老返嬰記。猛將朱兵記。七返靈砂歌。八仙歌。中還歌。三白歌。參同契魏君訣。參同指歸太清訣。衛靈訣。九奇訣。傳道訣。龍雀隱訣。登真隱訣。塗山訣。守真全生訣。句留訣。金靈訣。五鹽訣。金樓先生訣。角里先生訣。鼓下錫黃訣。東林集。琳房集。丹瓊集。八紀集。契道祕錄。隋唐祕錄。白子高元圖錄。太清丹論。混成論。胡王治葛論。金石論。婆落魔地神伏火論。五明論。太清太鏡。司馬鍊師精義論。紀仙元鏡中還經。杏金經。青龍地經。龍虎丹經。丹家病源。六甲玉女訣。行廚金盤玉饌訣。黃寧訣。李少君訣。西蜀樊德先生伏火訣。太原胡列山人訣。吉章經。東都陳少府訣。王倪伏火丹砂傳。孫思邈經。揚羅開伏火丹砂傳。麻姑八石傳。蘇遊經。清源經。太山孫杓赤龍金虎歌。中還丹論。

釋諸經記中所造藥物名目

造紫河車。爲轉寧王金。荀子法。黃舉伏火法。五石蒲樞法。安靜虛無法。造藥歸色法。令飛法。令飛者伏法。令飛者飛法。元女如意解五尸法。造通明金虎符法。造通明九流符法。造朱雀符法。造通明青龍符法。造通明元武符法。造黃龍表符法。造金經符法。造石精法。造乘龍符法。造五色鹽法。造五石銅法。造三精六液法。造五色鉛金法。造三十六水法。造行廚招遠法。鍊雄黃法。造水法。鍊五礬法。太一禹餘糧法。鍊鍾乳法。鍊紫石法。服玉法。鉛華法。消玉法。玉丸法。玉漿法。柔玉法。伏米法。伏金法。造金液華池法。造牡荊酒化藥法。造朱砂酒法。造理石酒法。造金粉法。造銀粉法。造銅粉法。造鐵粉法。造金膏法。造銀膏法。水銀膏法。

造柔赤期法。柔黃雌法。造白河車法。赤河車法。單青河車法。造黃華法。砒硝河車法。石亭脂河車法。東野河車法。鐵河車法。紫河車法。造銅青法。五鹽法。雄雪法。雌雪法。元女五符法。元女白雪飛符法。造鉛白法。元女神丹九轉法。造飛霜赤雪法。造元黃法。作饋食法。造石灰煎法。造元珠法。涓子菊華九變法。元子神鐵法。作水華法。土龍灼法。伏雄黃法。伏雌黃法。鍊礬石法。伏空青法。造銀元珠法。造鉛拒火法。造空亭液法。柔燻法。拒鐵法。液蠟法。造鉛華法。作灰坯法。作水坯法。造鍊雌法。造炮礬法。造黃塼法。造礬華池法。九轉鉛精法。造大黃牙法。青丹牙法。漏鼎牙法。秋石牙法。苞裏流帝漿牙法。攪柳牙法。浣鉛法。縮賀法。造烏鉛法。造黑銅法。液銀法。造鉛粉法。鑰石粉法。小還丹牙法。造黑牙法。水鍊雲母粉法。

右件經方。世上並有文本。或可以資經貸利。或可以養性全生。但遇一方。並可營造。若遍留意。其途實繁。然此衆之道。雖道有優劣。但隨根器之所入。而各尋其所好也。故水不可以乘駿馭。陸不可以駕輕舟。稻粱菹肉。終同於飽。麻紵紈緜。終同於煖。飽煖雖一。而精麤有殊。逐甘利者。卽重小丹如金。好延生者。敬大丹似寶。金寶之利。各齊其分。故具載於前矣。

論諸大仙丹有名無法者

黃帝九鼎丹。大仙昇霞丹。紫青仙童丹。太和龍胎丹。張真人靈飛丹。太一八景丹。馬明生白日昇天丹。金液華丹。茅君白靈丹。白雲赤雪丹。絳陵垂壁丹。七精辟惡丹。三昧消災丹。九光神景丹。流霞鮮翠丹。含暉

吐耀丹。太清五色丹。北帝元珠丹。神光散馥丹。凝霜積雪丹。奔星卻月丹。墮月驚心丹。感靈降真丹。通神役使丹。九變丹。大還丹。九成丹。紫精丹。按楚澤經已上諸丹。並是往古得道者出世仙丹。服之白日昇天。身生羽翼。變化自在。坐有立無。藥味方法。既非塵俗所知。莫得測其至要也。自非宿有仙骨。積代累功。夢中神授者。不可得其方法也。

唐元和中。西蜀人梅彪撰石藥爾雅醫方。以藥石並稱。爾雅止釋草木。石不及焉。宜彪取其隱名而顯著之也。自序言衆石異名。象爾雅詞句。凡六篇。勒爲一卷。而白雲霽道藏目錄作二卷。疑後人附益之。唐代遺書傳世者罕矣。乃鈔而入諸經部。秀水朱彝尊跋。

近從吳中得袁氏貞節堂鈔本石藥爾雅二卷。復假得道藏本對勘一過。并錄竹垞跋于後。其卷分上下者。蓋由藏本析之。非後人有所附益。故六篇之目。與序相符。但此書自宜入道家類。或入醫家類。經義攷編入擬經。而此跋云鈔而入諸經部。似屬未安。夫編書當視其全體。不當視其面貌。若跋所云。則近時周松鶴大令嘗作佛爾雅。後人將以之入諸經部。其可乎哉。至道藏中儘有儒書。爲彼所妄據。又不可以一概論也。同里吳槎客老人。鑑別最精。持論甚允。頃聞購得此本遺書借觀。因以商之。未識以爲然否。嘉慶十五年冬。陳鱣記。

梅氏石藥爾雅。當屬脩真服食之書。非特無關經學。亦非醫宗所急。竹垞檢討殆因唐人書流傳難得。又觀其序之總冒。遂入之擬經。簡莊孝廉駁之甚當。以余見只當列之若書錄解題神僊家龍虎金液。通元論。及羣僊珠玉集。純陽金丹訣。崔公入藥鏡之類。庶乎近之。然而昔人言服餌金石藥日久。必發丹毒。余年來略究心攝生吐納之理。循繹是編。而觀其敘述之秘。幾如聞東方先生譚十洲三島事。而不禁有望洋之歎也。辛未清明前二日。免牀吳壽志。時年七十又九。

編主五雲王
編初成集書叢
種一他其及經草本農神
冊 二

中華民國二十六年三月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

中E五二八三

錢

